


ՀՀ ԲԻՋՆԵՍ ՄԻՋԱՎԱՅՐԻ ՀԱՐՄԱՐԱՎԵՏՈՒԹՅԱՆ ԳՆԱՀԱՏՈՒՄԸ ԲԱՐԵՓՈԽՈՒՄՆԵՐԻ ԱՐԴԻ ՓՈԽՈՒՄ

Անցումային փուլի առաջատարների՝ Կենտրոնական Եվրոպայի և Բալթյան երկրների փորձը ցույց է տալիս, որ կայուն աճի տեմպերը պահպանելու համար կարևոր են այնպիսի գործոնները, ինչպիսիք են՝ կառուցվածքային և ինստիտուցիոնալ արմատական բարեփոխումները, որոնց նպատակն է՝ տնտեսական գործունեության մրցակցային պայմանների ստեղծումը, գույքային իրավունքների ամրապնդումը, ֆինանսական միջնորդության արժեքը նվազեցնելու նպատակով բանկային համակարգի և կապիտալի շուկաների զարգացումը, ինչպես նաև միջազգային ծառայությունների ու գործունային շուկաների հետ ինտեգրման խորացումը: Նշված գերակայությունների իրականացման համար կենսական նշանակություն ունի տնտեսական և հասարակական ինստիտուտների որակի և հնարավորությունների շարունակական կատարելագործումը, դրանց արդիականացումը ու համապատասխանեցումը զարգացած երկրների ստանդարտներին և պահանջներին կամ այլ բառերով՝ երկրի ինստիտուցիոնալ արդիականացման գործընթացի անընդհատության ապահովումը: Այդ գործընթացի հիմքն ինչպես Հայաստանի օրենսդրության, այնպես էլ տնտեսական և հասարակական ինստիտուտների քայլ առ քայլ համապատասխանեցումն է ԵՄ պահանջներին և ստանդարտներին եվրոպական հարևանության քաղաքականության (ԵՀՔ) շրջանակներում¹: ՀՀ տնտեսական զարգացումը ներկա փուլում մեծապես կախված է բարեփոխումների նշանակալից արագացումից և հաջող ներդրումից:

Համաշխարհային բանկի «գործարարությանը զբաղվելու» վերլուծական նյութերում դասակարգված են կարգավորումները, որոնք ուղղակիորեն ազդում են գործարար միջավայրի զարգացման աստիճանի և տնտեսական աճի վրա՝ հնարավորություն տալով իրականացնել միջերկրային համեմատություններ հետազոտված 178 երկրների միջև: Այս գեկույցում *այդ երկրների շարքում Հայաստանը 2009 թ. զբաղեցրել է 43-րդ տեղը*²՝ նախորդ տարվա համեմատ կրճատելով իր վարկանիշը, որտեղ այն 39-րդ տեղն էր զբաղեցնում, ինչպես ցույց է տրված գծապատկեր 1-ում:

Գծապատկեր 1

ՀՀ «բիզնեսով զբաղվելու» հարմարավետության գնահատումը այլ երկրների շարքում



Հայաստանում «բիզնեսով զբաղվելու» հարմարավետության գնահատման համար կիրառված ընթացակարգերը բաղկացած են երկու փուլերից.

1. Բացահայտել երկրի համեմատական տեղն անցումային տնտեսության երկրների շարքում՝ հաշվի առնելով բիզնես միջավայրի ընդհանուր «ֆորմալ» հարմարավետությունը: Իսկ լավագույն փորձի ցուցանիշները «բիզնեսով զբաղվելու» յուրաքանչյուր ուղղության հա-

¹ ԵՀՔ, որի մեջ Հայաստանը, Հարավային Կովկասի այլ հանրապետությունների հետ, ընդգրկվել է 2004թ. հունիսից: Հայաստանի համար ԵՀՔ շրջանակում գործողությունների ծրագիրը 2008-2012 թթ. համար հաստատվել է 2006թ. նոյեմբերին, իսկ ԵՄ ինտեգրմանն ուղղված ԳՀՀ իրականացման 2006-2009 թթ. Ազգային ծրագիրը՝ 2006թ. մայիսին:

մար սահմանվել են ոչ թե համաշխարհային մակարդակով, այլ անցումային տնտեսության երկրների մակարդակով:


2. Բիզնես միջավայրի բարենպաստ կամ անբարենպաստ լինելն ամբողջությամբ ներկայացնելու համար առաջնակարգ ուշադրություն է դարձվում սովետային տնտեսության չափին: «Բիզնեսով զբաղվելու արժեքը» փաստաթղթի ցուցանիշների կիրառումը թույլ է տալիս գնահատել, թե որքանով է երկիրը շեղվում լավագույն փորձից յուրաքանչյուր ուղղության և յուրաքանչյուր ցուցանիշի կտրվածքով՝ կապված բիզնեսին առնչվող օրենքների և կանոնակարգերի հետ:

Այդ առումով հաշվի են առնվում հետևյալ գործոնները.

Ընկերության հիմնադրում: Հայաստանում ընկերություն հիմնադրելու համար միջինում պահանջվում է իրականացնել 6 ընթացակարգ, որը տևում է 15 օր և պահանջվում է մեկ շնչին ընկնող ՀՆԱ-ի 2.6% ծախս: Համաշխարհային մակարդակով այս ցուցանիշով Հայաստանը դասակարգվում է 21-րդ տեղում (գծապատկեր 2):

Գծապատկեր 2


Ընկերության հիմնադրման ընթացակարգերը
Հայաստանում այլ երկրների շարքում



Լիցենզավորում (շինարարական թույլտվություններ): Այդ գործառույթները հանրապետությունում բաղկացած են 20 ընթացակարգերից, տևել են միջինը 137 օր, որոնց արժեքը կազմել է մեկ շնչին ընկնող ՀՆԱ-ի 104.9%-ը: Շինարարական թույլտվությունների ստացման դյուրինության առումով Հայաստանը գրավում է 72-րդ տեղը (գծապատկեր 3):

Գծապատկեր 3

Ընկերության հիմնադրման ընթացակարգերը
Հայաստանում այլ երկրների շարքում




Աշխատանքային հարաբերությունների կարգավորում: Հայաստանում աշխատանքի ընդունման բարդության ցուցիչը 33 է, ժամաքանակի խստության ցուցիչը՝ 20, աշխատանքից ազատման բարդության ցուցիչը՝ 10 է: Աշխատանքային հարաբերությունների կանոնակարգման դյուրինության ցուցանիշով Հայաստանը գրադեցնում է 62-րդ տեղը աշխարհում (գծապատկեր 4): Բացի այդ, 178 երկրից 75 երկիր չի կանոնակարգում գիշերային աշխատանքը և ոչ էլ պարտադրում հատուկ ոչ աշխատանքային օրեր: Այդ երկրները պայքարում են պահ-

սպանել իրավունքների հավասարակշռությունն աշխատանքի շուկայի ճկունության և աշխատանքի կայունության միջև, և շատ երկրներ սխալվել են՝ կիրառելով ավելորդ կանոնակարգեր՝ այսպիսով վնաս հասցնելով թե գործարարությանը, թե աշխատողներին: Աշխատաշուկայի ճկունությունը կարևոր դեր է խաղում ոչ միայն գործազրկությունը կրճատելու, այլև՝ ներդրումները խթանելու առումով: Այսինքն՝ աշխատաշուկայի ճկունությունը, մնացած բոլոր պայմանների հավասարության դեպքում, զգալի ազդեցություն է ունենում մաս օտարերկրյա ուղղակի ներդրումների հոսքի վրա:

Հետևաբար, ՀՀ տնտեսության «երկրորդ» սերնդի բարեփոխումների ներկա փուլում գտնում ենք, որ մպատակահարմար է իրականացնել աշխատանքի շուկայի առավելագույնս ազատականացում և աշխատատեղերը տնտեսության ստվերային հատվածից ֆորմալ հատված տեղափոխելու խրախուսման քաղաքականություն:

Գծապատկեր 4


Աշխատանքային հարսբերությունների կարգավորման ընթացակարգերը
Հայաստանում և այլ երկրների շարքում



Սեփականության գրանցում: Հայաստանն աշխարհում գրառեցնում է 5-րդ տեղն այս ցուցանիշով, բաղկացած են 3 ընթացակարգերից, տևել են միջինը 4 օր, որոնց արժեքը կազմել է մեկ շնչին ընկնող ՀՆԱ-ի 0.3%-ը:


Գծապատկեր 5

Սեփականության գրանցման ընթացակարգերը
Հայաստանում և այլ երկրների շարքում



Ուստի, էլեկտրոնային ընթացակարգերի և տեղեկատվության որոնման համակարգի ներդրումը թույլ կտա էլ ավելի բարձրացնել Հայաստանի դիրքը՝ դարձնելով այն աշխարհում սեփականության իրավունքի փոխանցման բնագավառում ամենաարդյունավետ ընթացակարգեր ունեցող երկիր (գծապատկեր 5):


Վարկեր ստանալը: Հայաստանի չափահաս բնակչության 34.5%-ն է ընդգրկված մասնավոր վարկային գրասենյակում/բորսայում և 4.4%-ը հանրային վարկային ռեգիստրում, մինչդեռ Մեծ Բրիտանիայում այդ թիվը կազմում է բնակչության մոտ 85%-ը: Հայաստանը վարկերի ստացման դյուրինության առումով դասակարգվում է 43-րդ տեղում (գծապատկեր 7):

Վարկեր ստանալու ընթացակարգերը
Հայաստանում և այլ երկրների շարքում


Վարկի ձեռքբերման բարդությունը բացատրվում է ֆինանսական շուկայի վատ գործելու հանգամանքով, որն էլ հանդիսանում է օրինականորեն գործելուց հրաժարվելու հիմնական պատճառներից մեկը: Թեպետ, գրավի ստեղծման արժեքը շատ ցածր է՝ համեմատած տարածաշրջանային և միջազգային չափանիշների հետ, սակայն այն չի խթանում հայկական բիզնեսին՝ գործելու օրինական ճանապարհով, հատկապես՝ կոռուպցիոն բարձր ռիսկերի առկայության պայմաններում: Փոխառուների վերաբերյալ վարկ ստանալու համար համակարգված տեղեկությունների բացակայությունը սահմանափակում է վարկերի տրամադրումը, ինչպես նաև նվազեցնում է վարկերի ստեղծման համար պահանջվող բավականաչափ ցածր արժեքի և սնանկացման դեպքում վարկատուների իրավունքի պաշտպանության ճիշտ ստանդարտները: Իսկ վարկերի տրամադրման ընթացակարգի պարզության դեպքում այն կարող է նպաստել օրինական դաշտ անցնելու կամ այնտեղ մնալու համար:

Ներդրողների պաշտպանություն: Այս ոլորտը բնութագրում է ընկերության ղեկավարության կողմից իրականացվող գործարքների վրա փոքր մաս կազմող ներդրողների/բաժնետերերի իրավական ազդեցություն ունենալու իրավունքների մակարդակը: Հայաստանը գնահատվում է 2 միավորով տնօրենի պատասխանատվության և 8 միավորով՝ փոքր ներդրողների/բաժնետերերի իրավական պաշտպանության ու բացահայտման պահանջների ցուցիչով: Աշխարհում ներդրողների/փոքր բաժնետերերի պաշտպանության մակարդակով Հայաստանը զբաղեցնում է 93-րդ տեղը (գծապատկեր 8):

Գծապատկեր 8

Ներդրողների պաշտպանության ընթացակարգերը
Հայաստանում և այլ երկրների շարքում

Պայմանագրերի իրագործում: Միջինում Հայաստանում առևտրային/կոմերցիոն վեճեր կարգավորելու համար պահանջվում է իրականացնել 48 ընթացակարգ, որը տևում է 285 օր, և ծախսը կազմում է հայցի արժեքի 19%-ը: Աշխարհում Հայաստանը զբաղեցնում է 62-րդ տեղը՝ պայմանագրերի կիրառման դյուրինության առումով (գծապատկեր 9):

Ներդրողների պաշտպանության ընթացակարգերը
Հայաստանում և այլ երկրների շարքում

Այսպիսով, բիզնես միջավայրի հարմարավետության առումով, Հայաստանը տարածաշրջանի երկրների նկատմամբ ունի մի շարք համեմատական առավելություններ, որոնք լրացուցիչ ազդակ են՝ Հայաստանը գործարարության և ներդրումային միջավայրի գերազանցության կենտրոն դարձնելու համար: Ավելին՝ Էկոնոմիկայի նախարարության կողմից մշակված «Հայաստանի գործարար և ներդրումային միջավայրի գերազանցության կենտրոն» համազգային նախագիծ»-ում 2008-2012թթ., որի իրականացման ժամկետները հստակ ամրագրված են «գերազանցության կենտրոն» հայեցակարգում միջոցառումների ցանկով, ինչպես նաև ՀՀ ազգային անվտանգության ռազմավարության դրույթներով ընդգծվել է գործարար միջավայրի հրատապ բարելավման անհրաժեշտությունը, որի համար անհրաժեշտ է իրականացնել հավակնոտ բարեփոխումներ: Վերջին 3 տարիների ընթացքում այս գործընթացը կայացել է ԱՊՀ մի շարք երկրներում, և բարեփոխումների մոտ 85%-ը իրականացվել է նոր ձևավորված կառավարությունների գործունեության առաջին 15 ամիսների ընթացքում: Ընդ որում, բարեփոխումների գինը տատանվում է 1-2 մլն. ԱՄՆ դոլարի սահմաններում: Փորձը ցույց է տալիս նաև, որ թե՛ միջազգային դոնորները, և թե՛ մասնավոր հատվածը պատրաստ են կիսել ծախսերի ավելի քան 60-70%-ը¹: Միաժամանակ՝ նույն միջազգային համադրումները ցույց են տալիս, որ վարչարարական խոչընդոտների վերացման, գործընթացների պարզեցման և թափանցիկության բարձրացման հետևանքով օգուտները զգալիորեն գերազանցում են իրականացված ծախսերը²:

ՀՀ բիզնես միջավայրի հարմարավետության գնահատումը թույլ է տալիս ենթադրել, որ Հայաստանը հավակնություններ ունի դառնալու տարածաշրջանի գործարար և ներդրումային միջավայրի «գերազանցության կենտրոն»: Իսկ դա նշանակում է, որ հանրապետությունում բիզնես ունենալը պետք է լինի շահավետ, իսկ գործունեություն ծավալելու պայմանները՝ գրավիչ, ինչը մասնավորապես կնպաստի «ազդեհիվորեն աճող» ՓՄՁ կայացմանը և հարևան ու զարգացած երկրների շուկաներ ներխուժմանը:

¹ www.doingbusiness.org/articles/php-?13256985/ranks

² ՀՀ Էկոնոմիկայի նախարարություն, «Հայաստանի գործարար և ներդրումային միջավայրի գերազանցության կենտրոն համազգային նախագիծ», Երևան, 2008, 18 էջ: